

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/12-19-11672/20  
Sarajevo, 14.8.2020. godine

Na osnovu člana člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi

## **ODLUKU O PONIŠTENJU POSTUPKA JAVNE NABAVKE**

### **I**

Prihvata se preporuka Komisije za javnu nabavku radova i poništava se postupak javne nabavke „Izgradnja šetališta i Trga Bulevar branilaca Dobrinje (II faza)“, broj obavještenja 422-1-3166-8-94/20, objavljeno na Portalu javnih nabavki dana 07.7.2020. godine i u „Službenom glasniku BiH – Oglasnik javne nabavke“ br. 42/20 od 17.7.2020. godine, obzirom da nijedna od primljenih ponuda nije prihvatljiva.

### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

### **Obrazloženje**

Odlukom broj 02/12-19-11672/20 od 06.7.2020. godine Općina Novi Grad Sarajevo pokrenula je otvoreni postupak javne nabavke „Izgradnja šetališta i Trg Bulevar branilaca Dobrinje (II faza)“, broj obavještenja 422-1-3166-8-94/20, objavljeno na Portalu javnih nabavki dana 07.7.2020. godine i u „Službenom glasniku BiH – Oglasnik javne nabavke“ br. 42/20 od 17.7.2020. godine.

Zapisnikom o otvaranju ponuda od 28.7.2020. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude ponuđača: konzorcij 1. „Ses“ d.o.o. Sarajevo i „Mevludin commerc“ d.o.o. Ilidža i 2. „Dinalsa“ d.o.o. Sarajevo. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Dinalsa“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1 (4) tehnička i profesionalna sposobnost: da je ponuđač opremljen neophodnom opremom za obavljanje predmetnih radova, a što se dokazuje izvodom iz knjige osnovnih sredstava ili ugovorom o iznajmljivanju opreme, za kamione se dostavlja saobraćajna dozvola, a za radne mašine saobraćajna ili upotrebna dozvola sa zapisnikom koji dokazuje tražene karakteristike (original ili ovjerena kopija). Uvidom u dostavljenu dokumentaciju ponuđača „Dinalsa“ d.o.o. Sarajevo konstatovano je da je da nije dostavljen izvod iz knjige osnovnih sredstava za kamion i radne mašine, samo je dostavljen ugovor o iznajmljivanju opreme za radnu mašinu finišer.

Iz naprijed navedenih razloga utvrđeno je da ponuđač „Dinalsa“ d.o.o. Sarajevo ne ispunjava uslov tražene u tenderskoj dokumentaciji iz tačke 3.4.1 (4) tehnička i profesionalna sposobnost, te je ponuda odbačena shodno članu 68. stav (4) tačka i).

Komisija je utvrdila da ponuđač konzorcij „Ses“ d.o.o. Sarajevo i „Mevludin commerce“ d.o.o. Ilidža ne ispunjava kvalifikacione uslove tražene u tenderskoj dokumentaciji iz tačke 3.4.1. (1) i (4) tehnička i profesionalna sposobnost. Shodno tački 3.4.1. (1) i 3.4.2. (1) tenderske dokumentacije ponuđač je trebao dostaviti listu izvršenih ugovora ponuđača koji su u vezi sa predmetom nabavke, a koji su realizovani u posljednje tri godine sa vrijednostima, datumima i naručiocima radova kao dokaz da je dobavljač uspješno izvršio jedan ugovor koji za predmet ugovora ima radove koji su u vezi sa predmetom nabavke vrijednosti najmanje 189.000,00 KM sa PDV-om. Ponuđač konzorcij je dostavio 4 potvrde o usješnoj realizaciji ugovora, i to: potvrdu Općine Novi Grad Sarajevo broj 08-23-3098/18 od 24.8.2020. godine za ugovor čija je vrijednost ispod 189.000,00 KM sa PDV-om; zatim potvrdu Općine Novi Grad Sarajevo broj 02/08-23-16802/20 od 30.3.2020. godine koja odnosi na radove modernizacije i nadgradnje javne rasvjete na parkinzima; uvjerenje Općine Ilidža broj 04-11-2200/20 od 19.5.2020. godine koje odnosi na izgradnju saobraćajnice sa tramvajskim pojansom; uvjerenje Općine Ilidža broj 04-11-2199/20 od 19.5.2020. godine koje se odnose na rekonstrukciju ulice. Ove tri potvrde se ne odnose na radove koji su u vezi sa predmetom nabavke – izgradnja šetališta i trga.

Shodno tački 3.4.1. (4) tenderske dokumentacije ponuđač treba biti opremljen neophodnom opremom za obavljanje predmetnih radova: kiper kamion 1- kom, kombinovani radni stroj (utovarivač – rovokopač) – 1 kom, bager – 1 kom, valjak do 2 t – 1 kom, finišer – 1 kom, rezač za asfalt i beton – 1 kom, vibro nabijač – 1 kom. Kao dokaz se dostavlja izvod iz knjige osnovnih sredstava ili ugovor o iznajmljivanju opreme, za kamione se dostavlja saobraćajna dozvola, a za radne mašine saobraćajna ili upotrebna dozvola sa zapisnikom koji dokazuje tražene karakteristike (original ili ovjerena kopija). Ponuđač konzorcij „Ses“ d.o.o. Sarajevo i „Mevludin commerce“ d.o.o. Ilidža je dostavio upotrebne dozvole za valjak do 2 t, finišer, rezač za asfalt i beton i vibro ploču. Uz navedene udostavljenim upotrebni dozvolama je navedeno da je sastavni dio upotrebne dozvole rezultat periodičnog pregleda mašina i uređaja.

Iz naprijed navedenih razloga utvrđeno je da ponuđač konzorcij „Ses“ d.o.o. Sarajevo i „Mevludin commerce“ d.o.o. Ilidža ne ispunjava uslove tražene u tenderskoj dokumentaciji iz tačke 3.4.1. (1) i 3.4.2. (1) tehnička i profesionalna sposobnost, te je ponuda odbačena shodno članu 68. stav (4) tačka i).

Imajući u vidu da je Komisija u cijelosti pravilno provela postupak i da je kvalifikovanost ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije o poništenju postupka javne nabavke, te je shodno odredbama člana 69. stav (2) tačka d) Zakona o javnim nabavkama („Službeni glasnik BiH“, br. 39/14) odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila:

mr. Nejra Smajić Šahić

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

